



Íþróttamiðstöðin Borg

Sumaropnun

1. júní 2015 – 23. ágúst 2015

Mánudaga - föstudaga

10:00 — 22:00

Laugardaga og sunnudaga

10:00—19:00

Hætt er að hleypa ofan í laugina **20 mínútum fyrir lokun.**

Heimasíða: www.gogg.is Netfang: sundlaug@gogg.is

Sími 480 5530

Ritstjóri Hvatarblaðsins er Linda Sverrisdóttir.

Ábyrgðarmaður: Ingibjörg Harðardóttir.

Efni í blaðið berist fyrir 1. hvers mánaðar á eftirfarandi netföng:
linda@gogg.is eða gogg@gogg.is

Júní 2015



HVATARBLAÐIÐ



17. júní hátíðarhöld

Skrúðganga frá Versluninni Borg kl. 13:00

Hátíðarræða

Ávarp fjallkónu

Grillaðar pylsur og gos

Hoppukastali á íþróttavellinum

Leikir og glens í íþróttahúsinu



Fundargerð.

368. fundur sveitarstjórnar Grímsnes- og Grafningshrepps var haldinn í stjórnsýsluhúsinu Borg, miðvikudaginn 6. maí 2015 kl. 9.00 f.h.

Fundinn sátu:

Gunnar Þorgeirsson
Ingibjörg Harðardóttir
Hörður Óli Guðmundsson
Guðmundur Ármann Pétursson
Sigrún Jóna Jónsdóttir

Fundargerðin var færð í tölvu og hana ritaði Ingibjörg Harðardóttir.

1. **Fundargerð sveitarstjórnar Grímsnes- og Grafningshrepps frá 22. apríl 2015.**

Fundargerð sveitarstjórnar Grímsnes- og Grafningshrepps frá 22. apríl 2015 liggur frammi á fundinum.

2. **Fundargerðir.**

a) **Fundargerð 5. fundar húsnefndar Félagsheimilisins Borgar, 29. apríl 2015.**

Mál nr. 1 þarfnast staðfestingar sveitarstjórnar.

Lögð fram 5. fundargerð húsnefndar Félagsheimilisins Borgar, dags. 29. apríl 2015.

Eftirfarandi dagskrárliður þarfnast afgreiðslu sveitarstjórnar;

Mál nr. 1: Ásýnd hússins.

Húsnefnd félagsheimilisins Borgar leggur það til við sveitarstjórn að meðfylgjandi litur af Steni klæðningu verði notaður á veggina og meðfylgjandi litaprufa af áklæðningu verði notuð á þakkanta, horn, vatnsbretti og glugga. Einnig leggur nefndin til að gluggarnir verði heilir þ.e. þar sem opnanleg fög eru og þurfa að vera, verði heil opnanleg fög.

Stafirnir „Félagsheimilið Borg“ verði notaðir áfram og hafðir á sama stað og þeir eru og að sambærilegir stafir verði gerðir í stóru fyrir „Borg“. Húsnefnd óskar eftir að skoðað verði með glugga í fatahenginu hvort þörf sé á að hafa hann. Sveitarstjórn felur Tæknisviði Uppsveita að bjóða út verkið í samræmi við óskir húsnefndar.

Gamla Borg
KAFFIHÚS OG VEISLUSALUR
Í HJARTA GRÍMSNESS



Prjónakaffi á Gömlu Borg

*Fyrsta þriðjudagskvöld í hverjum mánuði
kl. 20:00 er prjónakvöld á Gömlu Borg.*


Allir velkomnir og munið eftir prjónunum!



Saumaöðgerðir Kringlu Grímsnesi

*Fataviðgerðir, gardínusaumur
og ýmiskonar einfaldur
saumaskapur*

Elsa Jónsdóttir
Sími 486 4515



ORMSSTAÐIR



Fjölskyldurekið
svínabú

ÍSLENSKT SVÍNAKJÖT, beint frá bónda :)

Heimasala
Opið eftir samkomulagi

Sími 891-0932



Sjá www.ormsstadir.is

Við erum líka á facebook,
Ormsstaðir, Pantanir og
allar upplýsingar í síma

894 - 0932 eða 486 - 4465

ormsstadir@ormsstadir.is



Skrifstofa Grímsnes- og Grafningshrepps
er opin mánudaga - föstudaga kl. 9.00 - 15.00

Sími 480-5500

www.gogg.is

b) 88. fundur Skipulagsnefndar Uppsveita, 22. apríl 2015.
Mál nr. 10, 11, 12, 13, 14, 15, 16, 17, 18, 19, 20, 21, 29 og 30 þarfnast staðfestingar sveitarstjórnar.

Lögð fram 88. fundargerð Skipulagsnefndar Uppsveita, dags. 22. apríl 2015. Eftirfarandi dagskrárliðir þarfnast afgreiðslu sveitarstjórnar;

Mál nr. 10: 1504002 - Kiðjaberg: Frístundabyggð:

Endurskoðað deiliskipulag

Lögð fram að nýju að lokinni auglýsingu tillaga að endurskoðun deiliskipulags fyrir jörðina Kiðjaberg í Grímsnes- og Grafningshreppi. Tillagan var auglýst 21. ágúst 2014 með athugasemdafresti til 3. október. Tvö athugasemdabréf bárust á kynningartíma auk þess sem fyrir liggja nýjar umsagnir frá Heilbrigðiseftirliti Suðurlands og Minjastofnun Íslands. Deiliskipulagsgögnin eru lögð fram með minniháttar breytingum varðandi neysluvatn og fráveitu til að koma til móts við ábendingar Heilbrigðiseftirlits Suðurlands. Þá liggja fyrir drög að umsögn um innkomnar athugasemdir.

Sveitarstjórn samþykkir samhljóða ofangreinda tillögu að deiliskipulagi með breytingum sem gerðar hafa verið í tengslum við ábendingar Heilbrigðiseftirlits Suðurlands og einnig með breytingu á byggingarreit lóðar nr. 78 sbr. samþykkt sveitarstjórnar frá 4. mars 2015. Ekki er gerð athugasemd við drög að umsögn um athugasemd og er skipulagsfulltrúa falið að klára hana í samvinnu við lögfræðing sveitarfélagsins.

Mál nr. 11: 1501013 - Ásabraut 1-40 og Lokastígur 1-10:

Ásgarður: Deiliskipulagsbreyting

Fyrir liggur að lokinni grenndarkynningu tillaga að breytingu á deiliskipulagi frístundabyggðar við Ásabraut 1-40 og Lokastíg 1-10 í landi Ásgarðs. Tillagan var kynnt með bréfi dags. 25. febrúar 2015 með athugasemdafresti til 27. mars. Frestur til að koma með athugasemdir var síðan lengdur til 10. apríl í samræmi við ósk þess efnis. Fimm athugasemdabréf bárust á kynningartíma. Sveitarstjórn frestar afgreiðslu málsins og felur skipulagsfulltrúa að óska eftir viðbrögðum umsækjenda við innkomnum athugasemdum.

Mál nr. 12: 1504019 - Nesjavallavirkjun: Prófun á niðurrennslisholum NJ-17 og NJ-26 í Kýrdal: Framkvæmdaleyfi
Fyrir liggur umsókn Orku Náttúrunnar dags. 25. mars 2015 um

framkvæmdaleyfi vegna prófunar á niðurrennslisholum NJ-17 og NJ-26 í Kýrdal á Nesjavöllum. Fram kemur að send verði fyrirspurn til Skipulagsstofnunar varðandi það hvort framkvæmdin falli undir ákvæði laga um mat á umhverfisáhrifum auk þess sem hún verður kynnt Heilbrigðiseftirliti Suðurlands, Orkustofnun, Umhverfisstofnun og Jarðskjálftavakt Veðurstofu Íslands. Sveitarstjórn frestar afgreiðslu málsins

Mál nr. 13: 1504020 - Nesjavallavirkjun: Malarnáma við Stangarháls: Framkvæmdaleyfi
Fyrir liggur erindi Orku Náttúrunnar dags. 25. mars 2015 þar sem óskað er eftir framkvæmdaleyfi fyrir allt að 50.000 m³ efnistöku úr malarnámu við Stangarháls á Nesjavöllum. Framkvæmdin er í samræmi við gildandi deiliskipulag svæðisins. Sveitarstjórn gerir ekki athugasemd við að gefið verði út framkvæmdaleyfi fyrir efnistöku í samræmi við fyrirbyggjandi erindi, með fyrirvara um umsögn Umhverfisstofnunar og Heilbrigðiseftirlits Suðurlands.

Mál nr. 14: 1504022 - Nesjavallavirkjun:
Prófun á holu HK-20 á Mosfellsheiði: Framkvæmdaleyfi
Fyrir liggur erindi Orku Náttúrunnar þar sem óskað er eftir heimild til að gera tilraun með að farga upphituðu grunnvatni í 176 m tilraunaborholu HK-20 sem er staðsett austan til á Hellisheiði. Jafnframt liggur fyrir minnisblað unnið af Vatnskil í mars 2015 um mat á áhrifum niðurdælingar. Sveitarstjórn frestar afgreiðslu málsins.

Mál nr. 15: 1502082 - Hengill: Hjólaleið á afrétti Grafnings:
Fyrirspurn
Fyrir liggur að nýju erindi Orkuveitu Reykjavíkur dags. 10. febrúar 2015 þar sem óskað er eftir heimild til að merkja hjólaleið vestan við Hengil. Leiðin er innan þjóðlendu og liggur bæði í Grímsnes- og Grafningshreppi og Sveitarfélaginu Ölfusi. Afgreiðslu málsins var frestað á fundi skipulagsnefndar 26. febrúar 2015 og var skipulagsfulltrúa falið að leita samráðs við skipulagsfulltrúa Ölfus um málið. Þann 13. apríl sl. fóru skipulagsfulltrúar sveitarfélaganna á fund í Orkuveitunni þar sem verkefnið var kynnt betur. Afgreiðslu vísað til endurskoðunar aðalskipulags Grímsnes- og Grafningshrepps.

Viltu auka gæðastundir sumar-



Mbl.: Kristinn Ingvarsson

Þrek- og þolæfingar í vatni verða í **Sundlaug Laugarvatns** mánudaga og fimmtudaga í júní og júlí kl. 12-12.45.

Æfingarnar eru afar skilvirkar til að auka þol, styrk og liðleika og henta öllum aldurshópum.

Engar skuldbindingar. Þú kaupir einn tíma í senn eða fjögurra tíma klippikort.

Þjálfari er **Helga Guðrún Gunnarsdóttir**, nýr íþrótt- og heilsufræðingur frá ÍHÍ. Hún þjálfar fólk á öllum aldri með skínandi góðum árangri.

Ræs ! ehf.
Gleði – vinátta, framtíð
Sími 696-3349
hgg696@gmail.com



Íbúafundur

**Íbúafundur verður haldinn í Félagsheimilinu Borg
fimmtudaginn 11. júní n.k. kl. 20:00**

Dagskrá:

1. Ársreikningur Grímsnes- og Grafningshrepps 2014.
2. Endurskoðun aðalskipulags Grímsnes- og Grafningshrepps.
3. Skýrsla Capacent vegna íbúðapings í nóvember 2014.

Sveitarstjórn

Kerhólsskóli

Umsókn um leikskóladvöl

Sækja þarf um leikskóladvöl fyrir börn sem ætlunin er að byrji í leikskóladeild Kerhólsskóla á næsta skólaári, 2015-2016. Sækja þarf um fyrir 20. júní 2015.

Ath. Sækja þarf um þó svo börnin byrji ekki strax að hausti.

Hægt er nálgast umsóknareyðublöð á heimasíðu Kerhólsskóla, undir eyðublöð-leikskóladeild-umsókn um skólavist. Prenta þarf út umsóknarblaðið og skila því á skrifstofu skólans.

Þjónustuaðilar í Grímsnes- og Grafningshreppi

www.gogg.is

Allar fundargerðir má finna inn á www.gogg.is

Mál nr. 16: 1504048 - Ásborgir 7 og 22: Ásgarður: Deiliskipulagsbreyting. Fyrir liggur umsókn Grímsborga ehf. dags. 17. apríl 2015 þar sem óskað er eftir breytingu á deiliskipulagi Ásborga í Grímsnes- og Grafningshreppi. Óskað er eftir að lóðum nr. 7 og 22 verði breytt úr íbúðarhúsalóðum í lóðir fyrir gisti- og/eða veitingahús. Sveitarstjórn frestar afgreiðslu málsins og oddvita falið að fara yfir málið með umsækjenda.

Mál nr. 17: 1501077 - Sólheimar: Endurskoðað deiliskipulag Fyrir liggur tillaga af endurskoðuðu deiliskipulagi fyrir Sólheima í Grímsnes- og Grafningshreppi. Í nýju deiliskipulagi er verið að samræma heiti og númer lóða innan svæðisins auk þess sem íbúðabyggð ofan við Sesseljúhús er breytt lítilsháttar. Á fundi sveitarstjórnar þann 4. febrúar s.l. var afgreiðslu frestað þar sem sveitarstjórn taldi að afmarka þyrfti byggingarreiti á öllum lóðum innan svæðisins og var skipulagsfulltrúa falið að ræða við skipulagshönnuð um málið. Í þeirri tillögu sem nú er lögð fyrir hafa verið gerðar ýmsar lagfæringar en skipulagshönnuður taldi ekki þörf á að gera ráð fyrir byggingarreit á öllum lóðum þar sem ekki eru fyrirhugaðar aðrar stækkanir en sýndar eru á tillögunni. Sveitarstjórn samþykkir samhljóða að fyrirbyggjandi tillaga að endurskoðun deiliskipulags Sólheima verði auglýst skv. 1. mgr. 41. gr. skipulagslaga. Guðmundur Ármann Pétursson vék sæti við afgreiðslu málsins.

Mál nr. 18: 1504041 - Stangarhýlur: Verslunar- og þjónustu svæði: Aðalskipulagsbreyting Fyrir liggur umsókn Magnúsar Jónssonar dagsett 1. apríl 2015 þar sem óskað er eftir breytingu á aðalskipulagi úr hluta landsins Stangarhýls, úr efnistökusvæði í svæði fyrir verslun- og þjónustu og að þar verði heimilt að reisa allt að 250 herbergja hótél. Afgreiðslu vísað til endurskoðunar aðalskipulags Grímsnes- og Grafningshrepps.

Mál nr. 19: 1504039 - Sunnubakki: Ásgarður: Fyrirspurn Fyrir liggur fyrirspurn Búgarðs ehf. dagsett 14. apríl 2015 um hvort að mögulegt sé að breyta hluta frístundabyggðar í landi Ásgarðs í svæði fyrir atvinnu- og ferðaþjónustutengt svæði og einnig hvort að heimilt yrði að byggja 4-5 hús á hverri lóð.

Svæðið sem um ræðir kallast Sunnubakki og liggur að Soginu. Samkvæmt gildandi deiliskipulagi eru 11 fristundahúsaloðir á svæðinu á bilinu 6.209 til 15.593 fm. Afgreiðslu vísað til endurskoðunar aðalskipulags Grimsnes- og Grafningshrepps.

Mál nr. 20: 1504040 - Selmýrarvegur 9: Ásgarður: Fyrirspurn Fyrir liggur fyrirspurn eigenda lóðarinnar Selmýrarvegur 9, dagsett 13. apríl 2015 um hvort að staðsetja megi fristundahús á lóðinni utan byggingareitar þannig að það verði 40 m frá Sogsvegi í stað 50 m. Ástæða fyrirspurnar er vilji til að staðsetja húsið á flöt sem er á svæðinu og sleppa við að eyða fallegum gróðri sem er innan byggingareitar. Sveitarstjórn mælir ekki með að byggingarreit verði breytt til samræmis við fyrirliggjandi erindi þar sem byggingarreitur er þegar nær þjóðvegi en gildandi skipulagsreglugerð gerir ráð fyrir.

Mál nr. 21: 1504035 - Rimahverfi: Fristundasvæði: Klausturhólar: Deiliskipulag Fyrir liggur beiðni Péturs H. Jónssonar, dagsett 24. mars 2015, f.h. landeigenda, um að deiliskipulag fyrir Rimahverfi úr landi Klausturhóla verði tekið til umfjöllunar. Skipulagssvæðið er um 185 ha að stærð og eru 104 fristundahúsaloðir þar inn á, þar af eru 60 byggðar og af þeim 44 sem eru óbyggðar en 14 af þeim eru til sem fasteignir í þjóðskrá. Deiliskipulag er í gildi fyrir efri hluta svæðisins. Sveitarstjórn gerir ekki athugasemd við að deiliskipulagið verði auglýst skv. 1. mgr. 41. gr. skipulagslaga. Á kynningartíma skal leita umsagnar Minjastofnunar Íslands og Heilbrigðiseftirlits Suðurlands.

Mál nr. 29: Afgreiðslur byggingarfulltrúa – 15-04 – 1503002F Lagðar fram til kynningar afgreiðslur byggingarfulltrúa frá 27. mars 2015.

Mál nr. 30: Afgreiðslur byggingarfulltrúa – 15-05 – 1504001F Lagðar fram til kynningar afgreiðslur byggingarfulltrúa frá 16. apríl 2015.

c) **Fundargerð aðalfundar Skipulags- og byggingarfulltrúa Uppsveita bs., 22. apríl 2015.**

Mál nr. 2 þarfnast staðfestingar sveitarstjórnar.

Lögð fram aðalfundargerð Skipulags- og byggingarfulltrúa Uppsveita bs., dags. 22. apríl 2015.

Eftirfarandi dagskrárliður þarfnast afgreiðslu sveitarstjórnar;

Verslunin Borg

Opnunartími

Alla daga frá 10:00—20:00

Sími: 486-4408

Verið velkomin - alltaf heitt á könnunni

FEDGAVERK



Tökum að okkur stór og smá verk:
jarðvinnu - tætingu - snjómokstur -
jarðheflun & fólksflutninga, 6-11 farþega.

Jóhannes og Guðmundur

Gsm: 848 - 1123 & 868 - 4115

Email: verktaki89@gmail.com

Facebook: [Jarðvinnuverktaki Feðgaverk](#)

Gróðrarstöðin Ártangi

Opnum **sumarblómasöluna** okkar
laugardaginn 23. maí.

Opið: Í sumar er opið alla daga frá kl. 10-16.

Verðum með: Kryddjurtir,
sumarblóm í úrvali,
Hortensíur,
potta og mold.

☎ 669 0108



Ath.breytt símanúmer

Heilsugæslustöðvarinnar í Laugarási er:
432-2770

Heilbrigðisstofnun á Selfossi er:
432-2000

Aðalsafnaðarfundur Mosfellssóknar

verður haldinn að Gömlu Borg miðvikudaginn 10. júní 2015

Venjuleg aðalfundarstörf.

Sóknarnefndin

Mál nr. 2: Ákvörðun um breytingar á samþykktum samlagsins. Lagðar voru fram tillögur að breytingum á samþykktum byggðasamlagsins. Sveitarstjórn samþykkir samhljóða fyrirbyggjandi breytingar á samþykktunum.

d) **Fundargerð stjórnar Laugaráslæknishéraðs, 30. apríl 2015.**
Mál nr. 2 þarfnast staðfestingar sveitarstjórnar.

Lögð fram fundargerð stjórnar Laugaráslæknishéraðs,
dags. 30. apríl 2015.

Eftirfarandi dagskrárliður þarfnast afgreiðslu sveitarstjórnar;

Mál nr. 2: Erindi dags. 25.02.2015

Fyrir liggur beiðni um styrk frá öllum kórum í uppsveitum Arnessýslu til kaupa á rafmagnspíanói. Sveitarstjórn samþykkir samhljóða að styrkurinn verði veittur.

e) **Fundargerð 6. fundar Héraðsnefndar Árnesinga bs.,
9. og 10. apríl 2015.**

Mál nr. 4 þarfnast staðfestingar sveitarstjórnar.

Lögð fram 6. fundargerð Héraðsnefndar Árnesinga bs.,
9. og 10. apríl 2015.

Eftirfarandi dagskrárliður þarfnast afgreiðslu sveitarstjórnar;

Mál nr. 4: Ársreikningur Héraðsskjalasafns Árnesinga.

Fyrir liggur beiðni forstöðumanns Héraðsskjalasafnsins um heimild til kaupa á geymsluhúsnæði fyrir safnið sem ætti að nýtast safninu a.m.k. næstu 10 árin. Fjármunir til kaupanna eru til hjá safninu. Sveitarstjórn samþykkir samhljóða að húsnæðið verði keypt.

f) **Fundargerð nefndar um vöktun Þingvallavatns,
22. apríl 2015.**

Mál nr. 2 þarfnast staðfestingar sveitarstjórnar.

Lögð fram fundargerð nefndar um vöktun Þingvallavatns,
dags. 22. apríl 2015.

Eftirfarandi dagskrárliður þarfnast afgreiðslu sveitarstjórnar;

Mál nr. 2: Verkefni 2015.

Fyrir liggur beiðni nefndarinnar um að Grímsnes- og Grafningshreppur styrki verkefni sem snýr að mælingum á Miðfellsdýpi. Ekki hefur verið gert ráð fyrir fjármununum í áætlun ársins 2015. Sveitarstjórn hafnar erindinu.

- g) **Fundargerð 6. fundar nefndar oddvita/sveitarstjóra í yfir-
stjórn velferðarmála í Árneshvíti (NOS), 10. apríl 2015.**
Mál nr. 1 þarfnast staðfestingar sveitarstjórnar.
*Lögð fram 6. fundargerð nefndar oddvita/sveitarstjóra í yfir-
stjórn velferðarmála í Árneshvíti (NOS), dags. 10. apríl 2015.*
Eftirfarandi dagskrárliður þarfnast afgreiðslu sveitarstjórnar;
Mál nr. 1: Sálfræðingur.
*Fyrir liggur að þörf er á öðrum sálfræðingi til starfa hjá Skóla-
og velferðarþjónustu Árneshvíti. Forstöðumaður Skóla- og
velferðarþjónustunnar leggur til að auglýst verði eftir
sálfræðingi í 100% stöðu þar sem 80% staða myndi nýttast
skólaþjónustunni og 20% velferðarþjónustunni. Sveitarstjórn
samþykkir samhljóða að auglýst verði eftir sálfræðingi í 100%
stöðu.*
- h) **Fundargerð 10. fundar stjórnar þjónustuvæðis vegna
málefna fatlaðs fólks á Suðurlandi, 27. janúar 2015.**
Fundargerðin lögð fram til kynningar.
- i) **Fundargerð 11. fundar stjórnar þjónustuvæðis vegna
málefna fatlaðs fólks á Suðurlandi, 8. apríl 2015.**
Fundargerðin lögð fram til kynningar.
- j) **Fundargerð 12. fundar stjórnar þjónustuvæðis vegna
málefna fatlaðs fólks á Suðurlandi, 20. apríl 2015.**
Fundargerðin lögð fram til kynningar.
3. **Trúnaðarmál.**
Málið er fært til bókar í trúnaðarmálabók.
4. **Ársreikningur Grímsnes- og Grafningshrepps 2014.**
*Ársreikningur sveitarfélagsins fyrir árið 2014 lagður fram til
seinni umræðu. Helstu niðurstöður samantektar A og B hluta
eru eftirfarandi:*
- | | | |
|---------------------------------------|-----|---------------|
| Rekstrarniðurstaða A hluta | kr. | 26.655.037 |
| Rekstrarniðurstaða A og B hluta saman | kr. | 6.542.682 |
| Eigið fé | kr. | 570.478.705 |
| Skuldir | kr. | 1.033.204.577 |
| Eignir | kr. | 1.603.683.281 |
| Veltufé frá rekstri | kr. | 4.432.991 |



**Bláskógabyggð og
Grímsnes- og Grafningshreppur**



Sumaropnun

Sumaropnunartími gámastöðva frá 1. maí til 31. ágúst

	Heiðarbær	Lindarskógar	Seyðishólar	Vegholt
Mánudagur		10:00 - 13:00		14:00 - 17:00
Þriðjudagur	11:00 - 12:00		14:00 - 17:00	
Miðvikudagur		10:00 - 13:00		14:00 - 17:00
Fimmtudagur	10:00 - 12:00		14:00 - 17:00	
Föstudagur			12:00 - 14:00	15:00 - 17:00
Laugardagur		14:00 - 16:00	14:00 - 16:00	14:00 - 16:00
Sunnudagur	10:00 - 12:00	14:00 - 18:00	14:00 - 18:00	14:00 - 18:00

Athugið að ofangreindur opnunartími breytist við stórhátiðir. Lokað er á gámastöðvunum eftirtalda
daga: Nýársdag - Föstudaginn langa - Páskadag - Fridag verkamanna 1. maí - Hvítasunnudag -
Þjóðhátíðardaginn 17. júní - Þorláksmessu - Aðfangadag jóla - Jóladag - Annan í jólum og
Gamlársdag.

Athugið að opið er fyrir losun heimilissorps allan sólarhringinn á öllum fjórum gámastöðvunum.

Þrástalandur í Þjóðbraut



Opið:
mánudaga til fimmtudaga 10:00 - 21:00
föstudaga til sunnudaga 10:00 - 22:00

Verið velkomin Sími 486-8686



Ljósmyndakeppni Grímsnes- og Grafningshrepps 2015

Atvinnumálanefnd kynnir fyrir ykkur ljósmyndakeppni
Grímsnes- og Grafningshrepps sem stendur frá
1. mars til og með 30. september 2015.

Flokkarnir eru eftirfarandi:

- ✓ **Landslagsmyndir** – allar landslagsmyndir teknar í sveitarfélaginu
- ✓ **Mannlífið** – sveitungar, viðburðir og daglegt líf í sveitarfélaginu
- ✓ **Frumlegasta myndin** – myndin verður að hafa þekkt kennileiti úr sveitarfélaginu í bakgrunni

Senda þarf myndirnar ásamt upplýsingum um hvar myndin er tekin, hvenær hún er tekin og nafn á ljósmyndaranum á karl@gogg.is fyrir 30. september.

Hægt er að senda inn eins margar myndir og hver vill. Tilkynnt verður um sigurvegara í byrjun nóvember og eru verðlaun í boði.

Hugmyndin á bak við keppnina er sú að safna myndum sem hugsanlega er hægt að nota í kynningarefni sveitarfélagsins sem og önnur verkefni t.d. dagatal, heimasíðu og fleira.

Áætlað er að halda ljósmyndasýningu í Sundlauginni á Borg í kjölfarið þar sem að myndirnar verða til sýnis.



Ársreikningur samþykktur samhljóða og áritaður af sveitarstjórn.

Sveitarstjórn samþykkir að halda íbúafund um ársreikning sveitarfélagsins í Félagsheimilinu Borg, fimmtudaginn 11. júní kl. 20:00.

Fulltrúar K-lista bóka eftirfarandi; Það er ánægjulegt að rekstur fráveitu, hitaveitu og vatnsveitu er betri en áætlanir gerðu ráð fyrir. Þrátt fyrir það er nauðsynlegt að gera betur í rekstri sveitarfélagsins, sem dæmi má nefna að annar kostnaður fer 24.8 m.kr. fram úr áætlun og laun fara 19.1 m.kr. fram úr áætlun. Rekstrarhagnaður sveitarfélagsins nemur 6.5 m.kr. en áætlun gerði ráð fyrir hagnaði að upphæð 98.2 m.kr. Skuldahlutfall er 152%.

5. **Borgarbraut 20.**

Fyrir liggur kauptilboð, dagsett 28. apríl 2015 í

Borgarbraut 20 að fjárhæð kr. 20 milljónir.

Sveitarstjórn samþykkir samhljóða fyrirbyggjandi kauptilboð.

6. **Tillögur til útboðs á sorpi.**

Fyrir liggur minnisblað frá Tæknisviði Uppsveita,

dagsett 4. maí 2015 um tillögur til útboðs á sorpi. Þrjár

mismunandi leiðir er lagðar til. Sveitarstjórn leggur til að

núgildandi samningur verði framlengdur um eitt ár á grundvelli hans.

7. **Siðareglur Grímsnes- og Grafningshrepps.**

Lögð fram til fyrri umræðu drög að siðareglum fyrir

sveitarfélagið skv. 29. gr sveitarstjórnarlaga nr. 138/2011.

Málinu vísað til seinni umræðu.

8. **Starfslýsing æskulýðsfulltrúa Grímsnes- og Grafningshrepps.**

Fyrir liggja drög að starfslýsingu fyrir æskulýðsfulltrúa

Grímsnes- og Grafningshrepps.

Sveitarstjórn samþykkir samhljóða fyrirbyggjandi starfslýsingu.

9. **Framlenging á samningi um liðveislu og ferðaþjónustu.**
Fyrir liggur framlenging á samkomulagi um liðveislu og ferðaþjónustu vegna málefna fatlaðra. Sveitarstjórn samþykkir samhljóða fyrirliggjandi framlengingu. Guðmundur Ármann Pétursson vék sæti við afgreiðslu málsins.
10. **Beiðni frá Sýslumanninum á Suðurlandi um umsögn vegna leyfis til reksturs gististaðar í flokki II í Ásabraut 45, Grímsnes- og Grafningshreppi.**
Fyrir liggur bréf frá Sýslumanninum á Suðurlandi, dagsett 15. apríl 2015 um umsögn vegna leyfis til reksturs gististaðar í flokki II í Ásabraut 45, Grímsnes- og Grafningshreppi. Sveitarstjórn gerir ekki athugasemdir við að leyfið verði veitt en óskar jafnframt eftir afriti af rekstarleyfi þegar það er gefið út.
11. **Afrit af bréfi frá Vegagerðinni til eigenda Ásgarðs þar sem tilkynnt er um niðurfellingu Ásgarðsvegar af vegaskrá.**
Fyrir liggur afrit af bréfi frá Vegagerðinni til eigenda Ásgarðs þar sem tilkynnt er um niðurfellingu Ásgarðsvegar af vegaskrá. Bréfið lagt fram til kynningar.
12. **Beiðni um styrk frá Karlakór Hreppamanna.**
Fyrir liggur beiðni um styrk frá Karlakór Hreppamanna að fjárhæð kr. 100.000 til kaupa á bókum við kórþalla, viðbótarþöllum, handriðum og vagni undir bökin. Sveitarstjórn hafnar styrkbeiðninni.
13. **Beiðni Umhverfis- og samgöngunefndar Alþingis um umsögn á tillögu til þingsályktunar um landskipulagsstefnu 2015-2026, 689. mál.**
Þingsályktunartillagan lögð fram.
14. **Beiðni Allsherjar- og menntamálanefndar Alþingis um umsögn á frumvarpi til laga um lögræðislög (réttindi fatlaðs fólks, svipting lögræðis o.fl.), 687. mál.**
Frumvarpið lagt fram.
15. **Beiðni Allsherjar- og menntamálanefndar Alþingis um umsögn á frumvarpi til laga um verndarsvæði í byggð, 629. mál.**
Frumvarpið lagt fram.





Það hefur lengi verið draumur hjá stjórnendum Sólheima að bjóða upp á hestafræðslu og gefa íbúum á Sólheimum tækifæri á að komast í snertingu við þessi yndislegu dýr. Allir þeir sem hafa kynnst hestamennsku vita hvað nærveran við hesta gefur mikla gleði, ánægju og slökun! Að finna lyktina og hlýjuna af hestinum og að snerta mjúka feldinn er mikill gleðigjafi og að læra að stjórna svo stórrí (400 kg!) skepnu er mikil áskorun og upplýfting þegar vel tekst til.

Síðan í febrúar hafa tveir hópar frá Sólheimum farið á mánuðögum til Stebbu og Bubba á Vorsabæ á Skeiðum og fengið þar afnot af glæsilegri aðstöðu þeirra sem veitir öruggt umhverfi. Meike Witt, sem hefur lengi verið mikill áhugamaður um hestamennsku fyrir fatlaða, hefur tekið að sér að vera leiðbeinandi í þessu verkefni. Boðið er upp á bóklegar og verklegar æfingar. Þessi fræðsla er mjög einstaklingsmiðuð og farið er á hestbak eftir hæfni. Fræðslan snýr um hirðingu hesta og örugga umgengni við hestana.

Við þökkum Stebbu og Bubba á Vorsabæ fyrir ómetanlegan stuðning og vonum að Hestamannafélögin í Uppsveitum taki vel í það að stofna sérdeild fyrir fólk með fötlun svipað og hefur verið gert með glæsibrag á Höfuðborgarsvæðinu!

Bestu kveðjur, Lóa, Rúnar, Gísli, Tinna Björk, Kamma, Kiddi, Siggí og Pálmi og Meike

16. Beiðni Velferðarnefndar Alþingis um umsögn á frumvarpi til laga um breytingu á húsaleigulögum (réttarstaða leigjanda og leigusala), 696. mál.

Frumvarpið lagt fram.

17. Beiðni Allsherjar- og menntamálanefndar Alþingis um umsögn á frumvarpi til laga um þjóðlendur og ákvörðun marka eignarlanda, þjóðlenda og afrétta, 703. mál.

Frumvarpið lagt fram.

18. Skýrsla Samtaka sunnlenskra sveitarfélaga, „Stöðugreining hjúkrunarheimila á Suðurlandi“.

Fyrir liggur skýrsla frá Samtökum sunnlenskra sveitarfélaga um stöðugreiningu hjúkrunarheimila á Suðurlandi. Skýrslan er lögð fram til kynningar.

Til kynningar

- ✓ Sorpstöð Suðurlands.
Fundargerð 240. stjórnarfundar 20.04 2015.
- ✓ Heilbrigðisnefnd Suðurlands.
Fundargerð 164. stjórnarfundar 30.04 2015.
- ✓ Bréf frá Minjastofnun Íslands, dagsett 10. apríl 2015 vegna umsagnar stofnunarinnar við breytingu á deiliskipulagi í landi Miðengis, Grímsnes- og Grafningshreppi.
- ✓ Byggðasafn Árnesinga, ársskýrsla 2014.
-liggur frammi á fundinum-.
- ✓ Markaðsstofa Suðurlands, ársreikningur 2014.
-liggur frammi á fundinum-.
- ✓ Fræðslunet Suðurlands, ársskýrsla 2014.
-liggur frammi á fundinum-.
- ✓ Fræðslunet Suðurlands, ársreikningur 2014.
-liggur frammi á fundinum-.
- ✓ Þjónusturáð Suðurlands, ársskýrsla 2014.
-liggur frammi á fundinum-.
- ✓ Byggðastofnun, ársskýrsla 2014.
-liggur frammi á fundinum-.
- ✓ Bautasteinn, fréttabréf Kirkjugarðasambands Íslands 1. tbl. 20. árg. 2015.
-liggur frammi á fundinum-.

Ekki fleira tekið fyrir og fundi slitið kl. 12:00



FUNDARGERÐ.

369. fundur sveitarstjórnar Grímsnes- og Grafningshrepps var haldinn í stjórnsýsluhúsinu Borg, miðvikudaginn 20. maí 2015 kl. 9.00 f.h.

Fundinn sátu:

Gunnar Þorgeirsson

Björn Kristinn Pálmarsson varamaður Ingibjargar Harðardóttur

Hörður Óli Guðmundsson

Karl Þorkelsson varamaður Guðmundar Ármanns Péturssonar

Sigrún Jóna Jónsdóttir

Fundargerðin var færð í tölvu og hana ritaði Gunnar Þorgeirsson.

1. Fundargerð sveitarstjórnar Grímsnes- og Grafningshrepps frá 6. maí 2015.

Fundargerð sveitarstjórnar Grímsnes- og Grafningshrepps frá 6. maí 2015 liggur frammi á fundinum.

2. Fundargerðir.

a) Fundargerð vorfundar þjónustusvæðis vegna málefna fatlaðs fólks á suðurlandi.

Lögð fram fundargerð vorfundar þjónustusvæðis vegna fatlaðs fólks á suðurlandi haldinn í Félagsheimilinu Borg, dags. 30. apríl 2015.

Eftirfarandi dagskrárliður þarfnast afgreiðslu sveitarstjórnar;


Mál nr. 1: fjárhagsáætlun vegna 2015.

Áætlun gerir ráð fyrir 144.570.000 rekstrarhalla á árinu en það sundurliðast þannig:

- Áætlaður rekstrarkostnaður er 1.116.351.000-
- Áætlaðar greiðslur jöfnunarsjóðs 836.781.000-
- Áætlaðar greiðslur í rekstrarsjóð v/ útsv. 135.000.000-

Kerhólsskóli

Vordagar





Sveitarstjórn samþykkir fjárhagsáætlunina, en hvetur til þess að leitað verði allra leiða í samskiptum við ríkisvaldið að ekki þurfi að koma til viðbótargreiðslur sveitarfélaganna vegna rekstrar á þessu ári.

b) 89. fundur Skipulagsnefndar Uppsveita, 13. maí 2015.

Mál nr. 1,2,3,4,5,6,14 og 29 þarfnast staðfestingar sveitarstjórnar.

Lögð fram 89. fundargerð Skipulagsnefndar Uppsveita, dags. 13. maí 2015. Eftirfarandi dagskrárliðir þarfnast afgreiðslu sveitarstjórnar;

Mál nr. 1: 1504022 - Nesjavallavirkjun: Prófun á holu HK-20 á Mosfellsheiði: Framkvæmdaleyfi

Lagt fram að nýju erindi Orku Náttúrunnar þar sem óskað er eftir heimild til að gera tilraun með að farga upphituðu grunnvatni í 176 m tilraunaborholu HK-20 sem er staðsett austan til á Hellisheiði. Jafnframt liggur fyrir minnisblað unnið af Vatniskil í mars 2015 um mat á áhrifum niðurdælingar. Sveitarstjórn staðfestir ákvörðun skipulagsnefndar um að gefa út framkvæmdaleyfi fyrir ofangreinda tilraun við að farga upphituðu grunnvatni til ársloka 2016. Sveitarstjórn óskar eftir að fá afrit af öllum niðurstöðum rannsókna sem gerðar verða í tengslum við tilraunina.

Mál nr. 2: 1504019 - Nesjavallavirkjun: Prófun á niðurrennslisholum NJ-17 og NJ-26 í Kýrdal: Framkvæmdaleyfi

Lagt fram að nýju umsókn Orku Náttúrunnar dags. 25. mars 2015 um framkvæmdaleyfi vegna prófunar á niðurrennslisholum NJ-17 og NJ-26 í Kýrdal á Nesjavöllum. Fram kemur að send verði fyrirspurn til Skipulagsstofnunar varðandi það hvort framkvæmdin falli undir ákvæði laga um mat á umhverfisáhrifum auk þess sem hún verður kynnt Heilbrigðiseftirliti Suðurlands, Orkustofnun, Umhverfisstofnun og Jarðskjálftavakt Veðurstofu Íslands. Sveitarstjórn frestar afgreiðslu málsins þar til umsagnir áðurnefndra stofnanna liggja fyrir.

Mál nr. 3: 1502099 – Ölfusvatn: Deiliskipulag.

Lögð fram að lokinni auglýsingu tillöga að deiliskipulagi fyrir frístundabyggðina Lambhaga úr landi Ölfusvatns við Þingvallavatn, Grímsnes og Grafningshreppi. Tillagan var auglýst 2. október 2014 með athugasemdafresti til 14. nóvember. Engar athugasemdir bárust en fyrir liggja umsagnir Umhverfisstofnunar, Minjastofnunar Íslands og Heilbrigðiseftirlits Suðurlands. Tillagan er nú lögð fram með minniháttar breytingum til að koma til móts við umsagnir þ.e. fornminjar hafa verið merktar inn og nánar er fjallað um kröfur til fráveitu í greinargerð.

Sveitarstjórn samþykkir samhljóða deiliskipulagið.

Mál nr. 4: 1505025 – Vaðholt 2 og 2a. Ormsstaðir.

Deiliskipulagsbreyting.

Lögð fram að lokinni auglýsingu tillaga að breytingu á deiliskipulagi Vaðholts úr landi Ormsstaða í Grímsnes og Grafningshreppi. Breytingin nær til lóðanna Vaðholt 2 og 2a og felst í að þær eru sameinaðar og breytt í lögbyli þar sem reisa má allt að 300 fm íbúðarhús og allt að 400 fm. útihús. Tillagan var auglýst til 2. október 2014 með athugasemdafresti til 14. nóvember. Engar athugasemdir bárust. Tillagan er nú lögð fram með þeirri breytingu að byggingarreitur íbúðarhúss verði 5 m frá lóðarmörkum en ekki 10 m eins og í auglýstri tillögu auk þess sem upplýsingar um þegar byggt hús hafa verið lagfærðar í greinargerð.

Sveitarstjórn samþykkir deiliskipulagið.

Mál nr. 5: 1505022 – Sturluholt fyrirspurn.

Lögð fram fyrirspurn dags. 30. apríl 2015 þar sem óskað er eftir að landnotkun aðalskipulags sem nær til jarðarinnar Sturluholt (lnr. 189339) í Grímsnes og Grafningshreppi verði breytt í blandaða landnotkun frístundabyggðar og landbúnaðarsvæðis í stað frístundabyggðar. Jafnframt er óskað eftir að breytingum á deiliskipulagi þriggja frístundahúsalóða á þann veg að í stað frístundahúsalóðarinnar Stekkjadalur verði byggingarreitur fyrir íbúðarhús og vélageymslu jarðarinnar. Í staðinn verði 2 óbyggðar frístundalóðir annarsstaðar en þær eru núna. Sveitarstjórn frestar afgreiðslu og vísar málinu til endurskoðunar aðalskipulags.



Á 15 ára afmæli Stóru upplestrarkeppninnar árið 2010 kom fram sú hugmynd að efna til nýs átaks í upplestri og munnlegri tjáningu í grunnskólum Hafnarfjarðar. Að höfðu samráði við alla kennara í fjórða bekk varð niðurstaðan sú að þróa verkefni sem byggði á sömu markmiðum og Stóra upplestrarkeppnin en sníða verkefnið að aldri og þroska nemenda í fjórða bekk. Verkefnið hlaut nafnið

Litla upplestrarkeppnin og er markmiðið að auka lestrarfærni og bæta upplestur og er rétt að undirstrika að hugtakið keppni í þessu tilviki felur ekki í sér að keppa við aðra heldur að verða betri í lestri í dag en í gær. Litla upplestrarkeppnin fer nú af stað í fimmta sinn og er skemmst frá því að segja að verkefnið hefur gengið sérlega vel og hefur greinilega fest sig í sessi og á hverju ári bætast fleiri bæjarfélög í hópinn og er vaxandi áhugi.

Kerhólsskóli tekur nú þátt í fyrsta sinn og er óhætt að segja að viðburðurinn hafi tekist afar vel. Nemendur lásu skemmtilega texta með sígildum boðskap, um það hvernig ein fjöður getur orðið að fimm hænum, skemmtilega frásögn um æviferil kartöflu og að lokum finan boðskap um gildi hláturs og almenns léttlyndis í ljóði eftir Kristján Hreinsson. Þau stóðu sig öll með miklum ágætum og var unun að hlusta á þau. Foreldrar komu með kökur og var slegið upp veislu að loknum lestri. Það má heldur ekki gleyma þeim Jóhanni Orra og Jóni Marteini sem voru fulltrúar skólans í Stóru upplestrarkeppninni í mars s.l., en þeir fluttu sitt hvort ljóðið fyrir áheyrendur.

Í góðu samræmi við einn megintilgang þemadaganna um margmiðlun var svo ljósmyndað og kvikmyndað jafnóðum og myndbrotin klippt og skeytt saman í tölvuforriti. Myndböndin voru svo sýnd á kynningardegnum, látin rúlla á tölvuskjám í hverri stöð. Síðast en ekki síst var lesið um Jónas Hallgrímsson og Fjallið Skjaldbreið – það ljóð var líka tekið til söngs, vel að merkja, með þeirri lotningu sem hæfir fjalladrottningu Grímsness og útverði sveitar.

Eins og lofað var í síðasta Hvatarblaði, birtist hérna í stafrófsröð örnefnalisti af smalaslóð Grafningsmanna, tekinn saman eftir skriflegum heimildum frá Árna á Bíldsfelli og Sigrúnu Jónu á Stóra-Hálsi.

Álftatjörn	Krummar	Stangarháls
Blettir	Kyllisfell	Stapafell
Borgarhólar	Kýrdalur	Stardalur
Botnadalur	Kýrgil	Súlufell
Brekka	Köldulaugagil	Svartagil
Dagmálafell	Lakaskarð	Svínahlíð
Djáknapollur	Laki	Syllur
Dyravegur	Langagróf	Sæluhústóft
Dyrfjöll	Langahlið	Söðlahóll
Eggin	Langidalur	Tindgil
Eiturhóll	Laxárdalur	Tjarnahnjúkur
Folaldadalir	Löngudalir	Torfdalur
Folaldaháls	Marardalur	Tröllháls
Gjáin	Mælifell	Úlfjótshotnar
Grashólar	Mælifellssandur	Vatnsstæði
Hagavíkurlaugar	Náttmáahnjúkur	Vegghamrar
Háhryggur	Nesjaulaugar	Villingavatnsselfjall
Hengill	Rauðufloð	Volgruhóll
Hengla	Sandfell	Þrengsli
Hrómundartindur	Sandklettur	Þverá
Hvanngil	Sandskeið	Þverárdalur
Hvíthlíð	Seldalur	Ölfusvatnsgljúfur
Hörðuvellir	Selfatir	Ölfusvatnshólar
Illagil	Seltangar	Ölkelduháls
Jórukleif	Skeggi	
Jórutindur	Skeggjadalur	
Kattatjarnahryggur	Skollagróf	
Kattatjarnir	Skolli	
Klofningstjörn	Sköflungur	
Krossfjöll	Smjördalur	
Króksgljúfur	Sporhelludalur	

Bjarni Þorkelsson,
kennari í Kerhólsskóla.

Mál nr. 6: 1502062 - Kerbyggð:

Klausturhólar deiliskipulagsbreyting.

Lögð fram að nýju tillaga að endurskoðun deiliskipulags fyrir Kerbyggð úr landi Klausturhóla í Grímsnes og Grafningshreppi. Fyrir liggur umsögn Skipulagsstofnunar dags. 15. apríl 2015 og ný umsögn Minjastofnunar dags. 30. apríl. Til að koma til móts við athugasemdir í umsögn Minjastofnunar er lagður fram lagfærður uppdráttur þar sem sett eru ákveðin skilyrði á tvær lóðir. Fyrir liggur tölvuskeyti frá Minjastofnun þar sem ekki er gerð athugasemd við þessa útfærslu. Sveitarstjórn samþykkir samhljóða deiliskipulagið.

Mál nr. 14: 1503070 – Skotlandsferð skipulagsnefndarinnar.

Fyrir liggja drög að skýrslu ferðar nefndarinnar til Skotlands en endanleg útgáfa mun vera lögð fyrir sveitarstjórn.

Mál nr. 29: 1504002F – Afgreiðsla byggingarfulltrúa.

Fyrir liggur afgreiðsla byggingarfulltrúa frá 29. apríl 2015.

C) Fundargerð 7. fundar nefndar oddvita og sveitarstjóra í Árneshöfði frá 30. apríl 2015.

Lögð fram fundargerð frá fundi oddvita og sveitarstjóra í Árneshöfði frá 30. apríl.

Í lið 3 er farið fram á að starfsemi skólaþjónustunnar verði sameinað á einni starfsstöð í Hveragerði, fyrir liggur drög að leigusamningi um húsnæði að Sunnumörk 2. Sveitarstjórn samþykkir samhljóða flutning í sameiginlega starfsstöð.

3. Erindi dagsett 12. maí 2015 vegna girðingar við Búrfell.

Fyrir liggur erindi eigenda Búrfells um aðkomu að framkvæmdum við girðingarframkvæmdir á jörðinni Búrfelli. Farið er fram á að sveitarfélagið girði að hluta tungirðingu vegna vatnsbóls sem sveitarfélagið hefur til afnota. Sveitarstjórn samþykkir að taka þátt í framkvæmdinni að gefnu skilyrði að útvíkkun á vatnssamningi nái yfir vatnsbólið austan við núverandi vatnsból og vatnstökusvæðið girt af.

4. Seinni umræða síðareglna Grímsnes og Grafningshrepps.

Tekin til seinni umræðu síðareglur Grímsnes og Grafningshrepps. Sveitarstjórn staðfestir fyrirbyggjandi síðareglur samhljóða.

5. Bréf Umhverfisstofnunar vegna malarnáms á Nesjavöllum dagsett 12. maí 2015. Fyrir liggur erindi Umhverfisstofnunar þar sem ekki er gerðar athugasemdir við efnistöku úr malarnámu við Stangarhals.


6. Ársreikningur og ársskýrsla orlofssjóðs húsmæðra í Árnes- og Rangárvallasýslu fyrir árið 2014. Fyrir liggur ársreikningur og ársskýrsla orlofssjóðs húsmæðra fyrir árið 2014.

7. Erindi Minjastofnunar dagsett 30. apríl 2015 vegna Kerbyggðar. Tekið hefur verið tillit til athugasemda Minjastofnunar sjá lið 6 undir fundargerð skipulagsnefndar.

Til kynningar:

- ✓ Ársskýrsla þjónusturáðs suðurlands liggur frammi á fundinum.
- ✓ Ársreikningur skipulags og byggingarfulltrúa Uppsveita bs.

Fleira ekki gert og fundi slitið kl. 11.30.



Sveitarhöfðingjar í heimsókn

Næstu tveir dagar fóru í úrvinnslu gagna sem aflað hafði verið - og móttöku tveggja góðra gesta sem höfðu frá mörgu að segja, sem tengdist viðfangsefnum daganna. Ekki náðist í Ketilbjörn gamla, en tveir aldnir sveitarhöfðingjar í Grímsnesi voru fúsir að koma, Sigurður á Bjarnastöðum og Böðvar á Búrfelli. Sigggi sagði skondna sögu úr fjallferð - um rammviltan en skynsaman ungling, sem ákvað að treysta á ratvísi fjallhesta sinna, innbyggða og meðfædda ratvísi sem einkennir flest dýr, en er oss mönnum lokuð bók nema markvisst sé þjálfuð.

Böðvar sagði okkur af sinni fyrstu fjallferð, þegar enn var farið með trússið á hestum inneftir. Böðvar var lítt harðnaður unglingur þá og ekki kominn út á neinar hálar brautir, eins og gildir þó um okkur fjallmenn suma. Ekki er víst að aðrir fjallmenn hafi munað betur atvik úr þeirri ferð. Allir hlustuðu frá sér numdir á mál þeirra Sigurðar og Böðvars, spurningar kviknuðu til og frá, og góður rómur var gerður að erindi þeirra.

Fjöllin hafa vakað

Þá var á dagskrá almennur söngur nemenda, kennara og foreldra. Af-réttastemning var vakin á nótnaborði Magnúsar tónlistarkennara og sungin fjallalög og smalavísur á borð við Fjöllin hafa vakað, Smaladrengrinn, Réttarvatn og Frjálst er í fallasal – og rúsinan í pylsuendanum verður nefnd í greinarlok.

Loks var svo lokahnykkurinn, kynning á afrakstri daganna. Ekki var um neina keppni að ræða, eins og oft er í ratleikjum. Niðurstaðan birtist hins vegar í formi sýningar og kynningar, eins og fyrr segir, þar sem hver nafngreindur hópur hafði sína stöð. Í góðu samræmi við kennslufræðileg viðmið sem áður voru nefnd, var framlag nemendanna metið frá degi til dags, og námsmatið í höndum hópstjóra úr kennara- og starfsliði.

Heyra mátti á foreldrum að þessum uppbrotsdögum væri vel varið, og margir tóku undir nauðsyn þess að börnin lærðu að þekkja örnefni og öðlast tilfinningu fyrir umhverfi sínu og náttúrunni. Og börnunum fannst gaman að þessu, það var auðfundið.

Að slá (a.m.k.) tvær flugur í einu höggi

Óhætt er að segja að þarna hafi farið fram fjölbreytt og skemmtilegt nám, þvert á flestallar námsgreinar og með þátttöku allra nemenda, sem unnu verkin undir stjórn kennara og starfsliðs grunnskóladeildarinnar. Æfð var leiklist og söngur, rímað og stuðlað, gerð grein fyrir myndmáli, mælingar viðhafðar, útreikningar ástundaðir, ratað og vistað, borið að grjót og hlaðin varða, ort og fönðrað, raðað og reiknað, málað og teiknað, skundað og skondrað, sprett úr spori – og svo gripið sé til hendinga Efríbrúarmannsins Tómasar Guðmundssonar: Rifjað upp og reynt að muna, fjallanöfnin, náttúruna.

Pemadagar í Kerhólsskóla

Rattleikur í heimabyggð

Eins og sagt var frá í síðasta Hvatarblaði eru nýlega afstaðnir svo-kallaðir Pemadagar í grunnskóladeild Kerhólsskóla, þar sem viðfangsefni voru: Örnefni, umhverfi og náttúra. Tvær kjarnakonur úr kennaraliði skólans, Alice Petersen og Ragna Björnsdóttir, höfðu í endurmenntunarnámi sínu samið og undirbúið námsleikinn „Rattleikur í heimabyggð“. Fengu þær þarna kærkomið tækifæri til að prufukeyra hann.

Meginmarkmið verkefnisins var þrífætt, eins og segir í kennsluáætlun:

1. Að nemendur kynnist örnefnum og umhverfi sínu í Grímsnes- og Grafningshreppi
2. Að nemendur öðlist færni í samvinnunámi í aldursblönduðum hópum
3. Að nemendur læri að nýta sér margmiðlun og margmiðlunarforrit.

Örnefni

Svleiðis vildi til einnig, að tekinn hafði verið saman - með hjálp góðra manna – listi um örnefni á smalaslóð Grímsnesinga, einkum af Lyngdalsheiði og Grímsnesafrétti. Einnig lá fyrir sambærilegur listi af smalaslóð Grafningsmanna. Þessir örnefnalistar voru meðal þeirra gagna sem notuð voru á Pemadögum, reyndar voru þeir þaulnýttir eins og gefur að skilja. Enda stendur til, þegar börnin hafa kynnst og unnið með örnefni, að hafa listann við hendina, þegar farið verður að nefna og merkja kennslustofur og önnur rými í nýja skólahúsinu - og einmitt til þess var leikurinn gerður í upphafi. Sumt af þessum vel þekktu örnefnum er raunar þegar farið að nota í gamansemi, svo vel þykja þau hæfa. Þannig er skrifstofa skólastjóra gjarnan nefnd Gálgagil, og kennarastofan ber með sóma réttnefnið: Prasaborgir! (Bara grín)

Kveikt á perunni

Fyrirkomulag Pemadaganna var í stuttu máli sisona: Fyrstu tvo dagana var rattleikurinn sjálfur í fullum gangi. Skipt var í hópa og raðað í þá upp aldurstigann (frá 1. upp í 8. bekk). Hóparnir urðu 6, í flestum hópnum voru 5 nemendur. Stöðvarnar voru 6 hvorn daginn, samtals 12, úti og inni.

Gætt var að kennslufræðinni, og byrjað á kveikjunni: Ragnheiður Jónasdóttir kennari fór yfir örnefnasviðið vítt og breitt með allan nemendahópin, kynnti orðið sjálft - ÖRNEFNI - upprunalega merkingu þess og nauðsyn þess að landslagið hétu nú eitthvað.

Þá var skipt í hópana, og fyrsta verk hvers hóps var að velja sér nafn af örnefnalistanum og búa sér til fagurlega skreyttan gunnfána með árituðu nafninu. Þessi nöfn völdu hóparnir sér: Hrútdalir, Tröllatindur, Markabrekkur, Tintron, Eldborg og Aldan.

Ög svo var haldið af stað og ekki látið staðar numið fyrr en allar stöðvar höfðu verið heimsóttar og verkefni leyst á hverri stöð.



Borg í sveit :)

- Alvöru sveitadagur í Grímsnes- og Grafningshreppi

KÆRU SVEITUNGAR

Takk fyrir frábæran dag, hlökkum til að vinna með ykkur að ári.

Bestu kveðjur,

Atvinnumálanefnd

Ása, Hildur og Kalli





Menningarveisla

Sólheima 2015



TÓNLEIKAR Í SÓLHEIMAKIRKJU

Alla laugardaga Menningarveislunnar kl.14.00

Menningarveislan verður formlega opnuð
laugardaginn 6. júní kl. 13.00 við kaffihúsið Grænu könnuna.



6. júní

SÓLHEIMAKÓRINN leikur og syngur af innlifun undir stjórn Lárusar Sigurðssonar.



13. júní

DUO RIO leikur brasilíska sömbu og Bossa Nova tónlist sem þekkt er fyrir fjör og fegurð. Dúóð skipa þau: Sigrún Kristbjörg Jónsdóttir, fjóla og básúna og Asgeir Asgeirsson gítarleikari.



20. júní

VALGEIR GUÐJÓNSSON mætir með gítarinn og flytur sín þekktustu lög og fer með gamanmál þess á milli.



27. júní

MYRRA RÓS er söngvaskáld. Tónlist Myrru má lýsa sem melódísku þjóðlagapoppi þar sem gítarleikur og rödd eru í aðalhlutverki.



4. júlí

Söngkonan Lovísa Elísabet, betur þekkt sem **LAY LOW** mun flytja eigin tónsmíðar.



11. júlí

BJÖRN THORODDSEN gítarleikari leikur af fingrum fram og sprellar á gítarinn. Björn hefur sl. 30 ár verið einn af atkvæðamestu djasstónlistarmönnum Íslands.




18. júlí

Dúettinn **UNJON** samanstendur af tónlistarfólkinu Unni Arndísar og Jón Tryggva. Tónlist þeirra er hjartnæm og miðar að því að fá áheyrandann til að njóta líðandi stundar í takt við angurværa tónlist.



25. júlí

KRISTJANA STEFÁNS & SVAVAR KNÚTUR verða með dúndurþétt duettaþrógram.




1. ágúst

HLÍN, PAMELA & EVA ÞVÍR flytja draumkennða og töfrandi franska tónlist, og þjóðtög úr ýmsum áttum.



8. ágúst

ÞÓROFS JÓNSDÓTTIR & INGIBJÖRG HELGADÓTTIR eru nemandur við tónlistardeild Listaháskóla Íslands við einleik á selló og skapandi tónlistarmiðlun.



15. ágúst

MAGNEA TÓMASDÓTTIR & INGA BJÖRK INGADÓTTIR syngja og leika á lýru.



22. ágúst

RAGGI BJARNA & ÞORGEIR ÁSTVALDS Menningarveislunnar.

Íslandsbanki er aðalstyrktaraðili
Menningarveislu Sólheima 2015



SÝNINGAR MENNINGARVEISLU

INGUSTOFA: Lyst á list: **SESSELJUHÚS:** Sjálfbærni Sólheima & Sjálfbæra heimilsi;
ÞRÓTTALEIKHÚS: Íslandsanga Reynis Péturs í máli og myndum;
ÚTÍSÝNINGAR: Skátaleið Sólheima 30 ára og Minningarperluar.

Sýningarnar eru opnar á virkum dögum frá kl. 9.00 – 18.00 og um helgar kl. 12.00 – 18.00.

5. JÚLÍ 85 ÁRA AFMÆLI SÓLHEIMA & 10 ÁRA VÍGSLUAFMÆLI SÓLHEIMAKIRKJU.
Hátíðarmessa kl. 14.00. Sr. Karl Sigurbjörnsson biskup predikar og þjónar fyrir allari ásamt sr. Birgi Thomsen. Sigrún Hjalmtýsdóttir, Diddú, syngur einsöng við athöfnina.

SÓLHEIMAKIRKJA

GUÐSPJÓNUSTA á sjómannaðaginn 7. júní kl. 14.00.

GUÐSPJÓNUSTA sunnudaginn 23. ágúst kl. 14.00.

KAFFIHÚSIÐ GRÆNA KANNAN & VALA, VERSLUN OG LISTHÚS

Opíó alla daga frá kl. 13.00 -18.00.

VIBURDIR

6.júní SETNING MENNINGARVEISLU SÓLHEIMA kl.13.00 við kaffihúsið Grænu könnuna.

11. júní SUSAN PARENTI verður með fyrrestur/gjöming í Sólheimakirkju kl. 20.00.

13. júní & 15. ágúst HESTADAGAR á Sólheimum, teyrt undir á júlum hestum 15.00 - 17.00.

14. júní Umbreyting ÞRÓÐLEIKHÚS Bert Ogródnik kl.14.00 verður sýnt í Sólheimakirkju.

18. júní Heimsókn FORSETA ÍSLANDS Ólafs Ragnars Grímssonar og Dorrit Moussaieff kl.11.00 -16.00.

25. júní Sænskur FJÖLISTAHÓPUR sýnir í Grænu könnunni kl.15.00.

25. júní UPPRISUKÓRINN treður upp í Grænu könnunni kl. 15.00.

15. ágúst LÍFRÆNI DAGURINN, SKÁTAHÁTIÐ & HASHÓLALESTIN kemur í heimsókn.

Allir hjartanlega velkomnir, aðgangur ókeypis.

Nánari upplýsingar www.solheimar.is

UMHVERFISKYNNINGAR Á VEGUM SESSELJUHÚSS

6. júní. Laugardagur kl. 14:00 í Sesseljuhúsi **OPNUÐ SÝNINGA SESSELJUHÚSS:** Axel Benediktsson og Herdis Friðksdóttir leiða gesti um sýningar Sesseljuhúss.

9. júní. Þriðjudagur kl. 17:00 í Sesseljuhúsi **JÓGA Í ANDARTAKINU:** Unnur Arndísar Jógakennari leiðir gesti í léttar jóga - og hugleiðsluæfingar sem henta til þess að stunda úti í náttúrunni.

14. júní. Sunnudagur kl. 14:00 í Sesseljuhúsi **ÚTILEIKIR:** Sabína S. Halldórs er sérfræðingur í útileikjum barna og fer með gesti í skemmtilega leiki sem henta öllum aldri.

23. júní. Þriðjudagur kl. 17:00 í Grænu könnunni **ÚR BAUN Í BOLLU:** Christiane Mueller leiðir gesti í samleiðann um ferðalag kaffibauanarinnar frá rektunarsvæðum ofan í bolla Íslandinga.

28. júní. Sunnudagur kl. 14:00 í Sesseljuhúsi **VAKANDI VERÖÐ:** Rakel Garðarsdóttir og Margrét Marteinsdóttir höfundar bókarinnar Vakandi veröld bjóða uppá vinnustofu í sjálfbærni.

7. júlí. Þriðjudagur kl. 17:00 í Sesseljuhúsi **LISTIR OG SJÁLFBÆRNI:** Lára Sigurðsson tónlistarkennari og hljóðfærasmíður fjallar um tengslin á milli listrænnar sköpunar og sjálfbærni með áherslu á mamspeki Rudolf Steiner.

12. júlí. Sunnudagur kl. 14:00 í Sesseljuhúsi **VINNUSMÍÐJA Í SJÁLFBÆRNI:** Ásthildur Björg Jónsdóttir, einn höfundar bókarinnar Verum Græn - Ferðalag í átt að sjálfbærni, heldur vinnustofu í sjálfbærni.

21. júlí. Þriðjudagur kl. 17:00 í Grænu könnunni **TRÖLLAGARÐUR:** Valgeir Fridolf Backman, hönnuður og forkölfsmaður Tröllagarðsins á Sólheimum, leiðir gesti um garðinn og útsýnir vistmenningu / permaculture.

26. júlí. Sunnudagur kl. 14:00 í Sesseljuhúsi **AÐ UPPLIFA OG NJÓTA NÁTTÚRU:** Helena Óla umhverfisfræðingur og kennari veitir fólki innsýn í hvernig hægt er að nota náttúruna í útkemslu og leiðir gesti í náttúruleiki fyrir alla fjölskylduna.

4. ágúst. Þriðjudagur kl. 17:00 í Sesseljuhúsi **TEKNIFÆRI:** Jóhanna Magnúsdóttir guðfræðingur og forstöðumaður félagsþjónustu Sólheima ræðir um valkostina í lífinu, hvernig við mælum hindrunum í lífinu og muninn á innri og ytri hindrunum.

9. ágúst. Sunnudagur kl. 14:00 í Sesseljuhúsi **VINNUSMÍÐJA:** Pamela Sousa næringarþerapisti kennir gestum hvernig plöntufræði og tækningarjurtir geta hjálpað fólki að ná heilsu. Hun leiðir fólki í göngu og kennir þeim að þekkja þær tækningarjurtir sem vaxa á Sólheimum.

18. ágúst. Þriðjudagur kl. 17:00 í Grænu könnunni **ORMAMOLTA:** Ágústi Backman starfsmaður garðyrkjustöðvarinnar Sunnu fræðir gesti um möllugerð á Sólheimum og hvernig ormar koma þar við sögu.

Ritstjófn, hönnun og umbrö: Harpa Dögg Magnúsdóttir * Aðbyrgðarmáður: Guðmundur Ármann Pétursson * Prentun: Guðlön